

3 Februari 2025

**SIARAN MEDIA**  
Untuk Siaran Segera



## **MOHD SHUKOR TAMAT PERKHIDMATAN KETUA PEGAWAI EKSEKUTIF ISLAMIC RELIEF MALAYSIA**

Lembaga Pemegang Amanah Islamic Relief Malaysia hari ini mengumumkan hari terakhir perkhidmatan Mohd Shukor Tahir sebagai Ketua Pegawai Eksekutif Islamic Relief Malaysia berkuat kuasa pada 31 Januari 2025.

Sejak menyertai Islamic Relief Malaysia pada 1 Februari 2023, Mohd Shukor telah memainkan peranan penting dalam memacu Islamic Relief Malaysia menjadi sebuah organisasi yang lebih kukuh dan berdaya tahan. Dedikasi beliau terhadap kecemerlangan operasi dan tadbir urus telah meletakkan Islamic Relief Malaysia dalam kalangan pertubuhan bukan kerajaan (NGO) terbaik di Malaysia.

Semasa menerajui kepimpinan Islamic Relief Malaysia, Mohd Shukor telah menerima anugerah *Productivity Champion* bagi kategori *Leader* daripada Malaysia Productivity Corporation (MPC) pada tahun 2023. Pengiktirafan itu meningkatkan kredibiliti dan kepercayaan masyarakat terhadap usaha kemanusiaan yang dijalankan serta memberi impak yang besar kepada Islamic Relief Malaysia.

Lembaga Pemegang Amanah Islamic Relief Malaysia merakamkan setinggi-tinggi penghargaan dan terima kasih atas kepimpinan, komitmen serta sumbangan beliau yang tidak ternilai kepada organisasi.

Sehingga pengumuman lanjut mengenai pelantikan Ketua Pegawai Eksekutif baharu, sebarang urusan boleh dirujuk kepada Timbalan Ketua Pegawai Eksekutif, Siti Fadilah Mohd Hood.

**Dato' Sri Syed Saleh Syed Abdul Rahman**  
**Pengerusi**  
**Ahli Lembaga Pemegang Amanah**  
**Islamic Relief Malaysia**

3 Februari 2025

## **Mengenai Islamic Relief**

Islamic Relief merupakan sebuah organisasi kemanusiaan antarabangsa yang ditubuhkan pada tahun 1984 sebagai tindak balas terhadap isu kebuluran di Afrika Timur. Ibu pejabat Islamic Relief terletak di Birmingham, United Kingdom. Islamic Relief beroperasi di lebih 40 buah negara dan telah membantu lebih daripada 145 juta orang. Kini, Islamic Relief Worldwide merupakan antara salah satu badan amal dan pembangunan terbesar di dunia.

## **Mengenai Islamic Relief Malaysia**

Islamic Relief Malaysia telah beroperasi sejak 2004, bertujuan untuk meneruskan bantuan kemanusiaan Islamic Relief di rantau Asia-Pasifik. Kini, Islamic Relief Malaysia berperanan sebagai pejabat penjana dana dan pelaksana projek tempatan dan antarabangsa.

Maklumat lanjut mengenai Islamic Relief Malaysia boleh diperoleh di [www.islamic-relief.org.my](http://www.islamic-relief.org.my)

---

*Dikeluarkan oleh: Komunikasi Strategik, Pejabat KPE Islamic Relief Malaysia.  
Untuk keterangan lanjut, hubungi Sis Zafirah di talian 019-220 1788 atau e-mel ke [Zafirah.Zahari@islamic-relief.org.my](mailto:Zafirah.Zahari@islamic-relief.org.my)*